



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avla ... Thesavrorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniae, 1658

§. 74. Erat autem mane. v. 28.

urn:nbn:de:hbz:466:1-45556

Habes igitur Christiane I. Christi Domini pro se multam fatigationem, præter Passionem reliquam, cum 6331. passibus quos itarit, & quomodo isthoc itare actum sit facile æstimabis si circumstantias spectaveris assecclatum satellitumque. 2. Habes & bene fundatas Catholicorum in novo Testamento Processiones, nisi enim Passionem Domini abneges, Processiones sacras certe tollere tibi nefaserit. 3. Habes etiam æque bene fundatas stationes in orto, in Annæ, Caiphæ, Pilati & Herodis curijs. Pro omnibus hisce Domino Deo tuo semper gratus esse labora, noli horrere aliquam duriorẽ genuflexionem, noli horrere in docendo, catechizando, concionando, confessionibus audiendis nauseam & laborem. noli tædium habere in Processionibus sacris, etsi non omnia ex tuo gustu administrantur. Nõ caruit Christi Processio incommodis & quidem grandibus nimis. Denique non sint tibi viles Catholicorum stationes. abneget eas hæreticus: sit os memorialium Christi, tu cum Christo & pro ipso esse, ire, & stare labora, non ipse vel illius iudicium prima religionis est regula, sed Christi vita & passio, hanc attende. Petrum & Ioannem & Mariam attende, isti processerunt, isti stationes cum Domino observarunt.

Sed quid hoc est, quod S. Ioannes ita abrupte à negatione Petri ad prætorium Pilati abit: & quid in domo Caiphæ geratur vel gestum sit non attendit, neque nos attentos reddit? intentionem sane huius saltus nescio, rimari tamen licet. An forte quia alii Evangelistæ iam satis hoc scripserant, ut nisi addi opus videretur? An forte quia Caiphæ illegitimus erat Pontifex, idco illegitime acta pro nullis habuit? An forte tam terra illa fuerunt, ut memoriæ oculos ad ea occludendos insinuare voluerit? Sint sane omnia hæc una integralis causa cur S. Ioannes ita fecerit, non habeo certe quod opponam. acquiesco & Domino pro cunctis mirabilibus & mysterijs gratias ago.

CONTINUATIO

Passionis Domini

SECUNDUM JOANNEM.

§. 74. *Erat autem mane. v. 28.*

Quid igitur de nocte actum? ane quievit & dormivit? non sane. Sed iudicia iniqua iudices iniqui fecerunt in eum, & qui hæc facere noluerunt à Concilio illo se subduxerunt in tempore, Porro noctis huius acci
bi

bitas tanta fuit ut mihi videatur S, Ioannes sine cordis sui convulsione vel
examinatione eam scribere non potuisse & ideo cordi suo indulgisse ut
eam silentio transiliret. Ecce anima mea velut è profundo somno evigi-
lans hæc tecum reputa, dicens, Ergone ea peccata, qua tam facile & leviter ad-
misi, tanto stare debuerunt Domino meo? Ergone tam gravis me manebit poena? Hæc
lodebam in plateis impia Babylonis, (Iusum peccatorum) & in secreto regalis cu-
biculi ferebatur, contra me iudiciū mortis, audijt unigenitus filius Dei & continuo pos-
sico diademate nudus pedes aspersus cinere caput, abiit flens & eiulans eo quod morte
damnatus esset servulus vilis & abiectus: Quid faciam adhucne ludam? & deludam
lacrymas erunt adhuc ne cum perfida istudais illum meis peccatis divexabo & ad mer-
tem expetam: adhuc cum illis perseverabo adhucne ludam & deludam eius sangui-
nem? absit, sed dicam prostratus in faciem meam coram te cum Pharisæo peni-
tente.

Domine Iesu Christe qui in hunc mundum propter nos peccatores de
linu partis advenisti, ut de Adæ peccato nos redimeres, quia scio &
credo te non propter iustos, sed propter peccatores in terra habitasse. Ex-
audi me Deus meus peccatorem culpabilem & indignum & negligentem
& obnoxium. Tibi confiteor omnia peccata mea & omnia mala mea &
quidquid in hoc sæculo deliqui de factis de iniquis cogitationibus de om-
nibus malis meis veniam peto. Erravi fateor indulge quia pius es Christe,
te laudo te magnifico, te glorifico Trinitas sancta, tibi gratias ago in om-
nibus infirmitatibus meis, quia non habeo in alium spem nisi in te Deus
meus.

S. 75. Et ipsi non introierunt in pretorium, v. 28.

Propter Festum Paschæ quod imminebat solemnissimum & dies a-
zymorum, quibus sicut non comdebant panem fermentatum ludæi,
sed azymum, ita sibi quoque putabant non liceret intrare domos alienige-
narum. Magnum puritatis studium. Si modo etiam cordis & conscientie
puritas pariformiter fuisset dilecta. At malum facere, impie examinare,
falsa testimonia super innocente inducere, eaque propter iniuste inno-
xium condemnare, & de republica optime meritum divexare, non duce-
bant religioni? Cur hoc? quia oderant Iesum verum agnum Paschalem
& ipsi manere volebant in figuris eius & non venire ad veritatem: ideo
eum ante Festum Paschatis morti adiudicatum volebant & extinctum, ut
pro more suo in figuris manere & in umbra levi, celebrare suum Pascha
possent. Sed apage hoc figuristarum & hypocritarum genus. Quod uti-
nata non etiam inter Christianos sæpe abundet. Ecce enim ibi quoque sunt
tales